

補續全蜀藝文志

補續魏文志卷之三

黃岡杜應芳

景陵胡承詔

裁訂

風誣

塗山歌

大禹年三十未娶行塗山恐時之暮失其度嗣乃
辭云吾娶也必有應矣乃有白狐九尾造於禹禹
曰白者吾之服也九尾者王之證也於是塗山之
人歌之禹因娶塗山謂之女嬀

綏綏白狐九尾麗麗我家嘉夷來賓爲王成子室家
我都攸昌天人之際於茲則行叶明叶矣哉

巴謠歌

茅盈內傳曰秦始皇三十一年九月庚子茅盈高
祖濛於華山之中乘雲駕鶴白日昇天先是時有
巴謠歌云云始皇聞謠歌而問其故父老具對曰
此仙人之謠歌勸帝求長生之術於是始皇欣然
乃有尋仙之志因改臘曰嘉平

神仙得者崇禱成駕龍上昇入太清時下玄洲戲赤

城繼世而往在戰盈帝若澤之胤嘉平

蘇州巴歌

豆子山打尾鼓陽平山撒白雨下白雨取龍女織得
絹二丈五一半屬羅江一半屬玄武

夔道謠

益州記曰瀘水源自曲羅兩峯有殺氣暑月蘊泉
行故武侯以夏渡爲艱瀘水又下合諸水而總其
自焉故有瀘江之名自朱提至夔道有水步道有
黑水羊官水至險難三津之阻行者苦之故俗爲

之語曰

猶溪赤木盤蛇土曲盤羊鳥擺氣與天通

新福歌

按晉書樂志曰巴渝舞漢高帝所作也高帝自蜀漢將定巴秦閬中范目辛賓人從帝爲前鋒及定秦中封曰爲閬中侯其俗善歌舞高帝樂其猛銳數觀其舞曰武王伐紂歌也後使樂人習之故迴巴渝舞曲有才渝弩渝安臺行辭後魏爲俞兒舞歌使王粲改創其辭爲才渝弩渝安臺行辭新福

歌曲行辭以述魏德後於太祖廟並歌之

永俞新福歌

漢初建國家臣九州蠻荆震服五月三革休安不忘
備武樂脩宴我賓節敬用御永永樂無憂子孫受百
福常與松喬遊烝庶德莫不咸歡柔

弩俞新福歌

材官選士劍弩錯陳應桴蹈節俯仰若神緩我武烈
篤我淳仁自東自西莫不來賓

安臺新福歌

武宋書功既定庶士咸綏樂陳我廣庭式宴賓與師
昭文德宣武威平九有撫民黎荷天寵延壽尸千載
莫我違

行辭新福歌

神武用師士素厲在恩廣履益節橫迹自古立功莫
我弘大桓桓征四國爰及海裔漢國保長慶垂祚延
萬世

文石歌

晉文石天水人永嘉二年石殺李雄大宰李

國巴人爲之歌曰

譙登涪涪城文石在巴山張羅守人呆巴氏那得應

羅尚謹

晉惠帝永康元年益州刺史趙欽反自稱益州牧
假羅尚爲平西將軍尚性貪以斷蜀人謹曰

蜀賊尚可羅尚殺我

巴州民謹

唐薛逢會昌中與楊牧王鐸同年登第累遷巴州
刺史民歌曰

日出而耕日入而歸吏不到門夜不掩扉有孩有童
顛以名垂何以字之薛孫薛兒

雪關謠

國朝楊慎

雪關謠述途人思何將軍也將軍名鄉成都人
雪山關雪風起十二月斷行旅霧爲箐水爲臺馬毛
縮鳥鳴哀將軍不重來西路何時開

觀音灘謠

黃輝

觀音灘波壓山去年過女難莫難觀音灘石何在
今年過女快復快小石馬大石龍馬走下峽龍飛入壑

誰其鑿者我李公當時不遭尔灘險今日何有乎灘
功遠客望灘先落膽過後那能復在眼人心長似過
灘時敢保峽江無寸險難神灘神尔敢噴觀甘大士
李公身不斲泗州降水母猶勝灌口二郎神一手繫
灘千手應世間難得起心人

運糧証

鄒魯

前日糧蒸江進今日糧搖檣菁衝泥冒雪苦不辭肩
破足皴民告病中途止軍寤兇雲遇着運夫省捨奪
脇以白刃敢不從殺死路旁誰問着辛而輸運到官

營主者又嫌米龜惡若無耗米墨帖錢責令隨軍無
下落嗚呼吾民真可憐弛擔樹下看皇天流賊劫過
土軍害十家九家都罄懸精壯男子懼鋒刃存者征
運何時盡不如早死流賊乃免得頻年受危困部糧
使者後面來運夫且行莫徘徊但使四方無盜賊平
年累死何足哀嗚呼忠武安在哉嗚呼忠武安在哉

補續秋文志卷之四

詩

都邑

城郭

樓閣

亭臺

學校

蜀國茲

國朝陳宗虞

西蜀稱天府由來擅山川岷嶓鬱西維井絡輝南天
銅梁阻斜谷樊道界且蘭玄夷啓神后交封肇黃琰
仙馭升周喬壽考育彭籤武德巴庸勤文化江漢宣
往古信曄曄流風逾滄滄曼卿志何烈慈鄉義實殫
三貞凜雪霜四雋儼旌旃紫閣多軒翥皓素亦盤桓

大雅振揚馬高尚標
譙嚴清風抗孟宗
華國推王淵
瑞應從姜吳英揚
孝廉里德况隆厚
歸仁崇讓謙
狗監藏得意金笥
輪伯騫不啻出諸
日安心樂才賢
三川諒如故士風
曾復燃君看長老
事耿耿垂青編

錦城夕

楊 旗

錦波澄霽色丹樓
生晚輝江光三流
暝橋影七星稀
猶明叔度火未息
支君挽南陌騑
度東城鍾漏微

登錦城觀貢院試士

秦 嵩

錦城高處瞰龍門
楊馬流風有代存
楚壁戒嚴營昔

水吳鉤飛動舞公孫將無假寐迷清夢賸有眞才獻
至尊禁錮獨慚孤盛世敢將綵筆向人論

古成都行

有序

吳之皞

監察御史

三川名勝在在稱奇獨成都舊傳八景好事者
尤多豔羨曰錦江春色曰市橋官柳曰浣花烟
雨曰草堂晚眺曰菊井秋香曰岷山晴雪曰漁
村夕照曰昭覺曉鍾余觀風成都公餘間一登
覽且聞蜀人故好遊顧在昔家饒戶足無所以
困之今蜀頻多事民不聊生無復當時之盛矣

有識者于此驗民風之盛衰已乃走筆漫書綴
爲古風以志今夕之感末寓在德在人之意庶
守土者因時履景側目警心知所重云

黃河源星宿海一氣環流自天絳河川極塞天連淵
細湧金波騰玉壘滾滾雲濤下瀟江迅飛沒灌勢難
降包絡成都爲錦水百花映帶響淙淙蜀中自古多
遊樂士女踏青蒲江郭鷄犬不驚多蓋藏尋春只怕
江花落錦城官柳逗春嬌絲管紛紛徹畫橋笑出西
郊浣花路烟霏香靄雨瀟瀟霎時雨霽穿雲樹步

草堂最深處人雅堪追壯以陵岫杯不覺斜陽暮流
遶節序春復秋汲水烹茶釀甕頭一脉仙泉香泛菊
好携玉醖上高樓凭欄西望山橫絕大嶺極天長積
雪千古華夷此障屏藉口不守金甌缺時平蜀徼絕
烟塵浪靜花江有釣綸東下魚村雲水濶家家網罟
曬江濱曉來昭覺晨鍾發百里蒲牢出林樾喚醒塵
寰汝汝人何殊印川日與月鼎食鍾鳴錦繡家成都
自古稱豪華可憐兵荒與權政十室九空啼斷鴉君
不見公孫驕阿斗傲朝聞賢士藏夕聞井蛙耗石斛

弓矢強不射陰平道或以疎士居歲亡或以荒淫徵寇
盜良辰美景孰徘徊樂事賞心安在哉寧似 皇仁
比堯舜熙熙到處止春臺上春臺登壽域維風端在
民之牧蜀國奇蹤色澤新紀遊長借南山竹

合州道中

宋喻汝礪

雲氣昏江樹春流沒釣磯如何連夜漲似欲送人歸
亂石水聲急片帆風力微舟師且停櫓白鷺畏人飛

綿竹道中二首

國朝王廷相

水藤罨黃澤崖篠森綠蕤不見園梅花香風暗撲衣

又

晴春日蒙茸遠客多
惆悵白雲自散彩
青山還渡壘

嘉州壁津

楊慎

壁津漁火照江城
城下灘聲徹夜鳴
寒笛莫吹楊柳曲
故園回首不勝情

夜郎曲三首

前人

夜郎城桐梓原東
堞壘平村民如野
鹿猶說翰林名

賊在桐梓驛
東十餘里

夜郎溪繫水陰中
半景西漁舟投樹
宿水鳥逗花啼

溪名起水在東
溪南平古城下

夜郎歌漢宮曾取教秦娥竹枝傳窈窕楊柳轉猗儻

夜郎歌卽巴歌
也今名思南歌

蜀道難二首

吳國倫

蜀道五丁闢往來銷客魂映中山作浪天上劔爲門

又

巫山日日雨鳥道與天通往來魚復浦愁殺永安宮

上有帝城二首

唐杜甫

江城合變態一上一回新天欲今朝雨山歸萬古春

英雄餘事紫衰邁
夙風塵取醉他鄉客
相逢故國人
兵戈猶擁蜀賦歛
尚輪秦不是頰形勝
深慙畏損神

又

白帝空祠廟孤雲自往來
江山城宛轉棟宇客徘徊
勇畧今何在當年亦壯哉
後人得酒肉虛殿有塵埃
谷鳥鳴還過林花落又開
多慙病無力騎馬入青苔

白帝城

宋黃廷堅

峽口風悲猿夜號
孤舟燈火宿烟臯
草深廢井人家少
水落寒山短堞高
自古金湯難恃險
當時版築豈

知勞未安亦在荒城裏
王殿淒涼空野蒿

白帝城

楊文霖

峽口初分控百蠻
昔人營此爲多艱
水深東去幾千里
山勢西來第一關
古樹斜斜鴉亂噪
碧天風冷鴈初還
英雄已往無消息
惟有荒村草木間

東城即事

雷叔聞

芙蓉城外涇溪東
精舍遙開萬竹叢
塵世浮名隨去馬
天涯蹄跡憶飛鴻
關山渺渺行人度
風景淒淒冷照通
聞說山門烽火急
翔雲瀉塞恨無窮

出郭二首

前人

高嶺落殘霞空洲靜白泐懷人愁暮雨對酒惜春華
茅屋溪邊小寒流郭外斜飛飛昏鳥急栖樹自爲家

又

前人

野岸分流細高原鳥道通山城斜日外浦樹晚烟中
白髮隨年變清罇與俗同梅花開太早斟酌何春風

出郭

潘紹伊

成都人
解元

出郭不數武已覺此生開不能拋俗累終是靛青山
飛鳥爭先馬嬌花欲破顏遙遙見煙火漁子宿江灣

白帝樓

唐杜甫

漠漠無塵裏連連睥睨侵樓光去日遠暎影入江深
臘破思端綺春歸待一金去年楊柳意還欲攬邊心

西閣

前人

巫山小榭落碧色見松林百鳥各相命孤雲無有心
層軒俯江壁要路一高深朱紱猶緲帽新詩近玉琴
功名不早立衰疾謝知音哀世非王燦終然學越吟

登樓

前人

花近高樓傷客心萬方多難此登臨錦江春色來天

地王壘浮雲變古今北極朝廷終不改西山寇盜莫
相侵可憐後主還祠廟日暮聊爲梁甫吟

張儀樓

岑參

傳是秦時樓巍巍至今在樓南兩江水千古長不改
曾聞昔時人歲月不相待

制勝樓

宋王十朋

絕塞依天險高城瞰陳圖公孫曾帝蜀諸葛欲吞吳
樽俎衝千里關山敵萬夫入謀蕪地利端坐靜邊隅

千雲閣

在聊縣

國朝楊慎

落景登臨縣郭西坐來結構與雲齊
平郊遠迓行人小高閣回看去鳥低
林表餘花春寂寂城隅纖草晚萋萋
酒闌却下危梯去猶爲風烟惜解携

飛仙閣

趙貞吉

飛仙閣上玄珠侶千佛崖前巴字水
夜來取水滌玄珠劍舞幽關鶴鳴壘
我家本是乘虛人青鞋杓試黎杖春
振衣忽到凌風館不傍桃花空問津

朱太守餞別澄清樓

張佳胤

雉堞全扶閣勢平雄圖宛似石頭城
竒峰曲抱青尊

起寒斗高懸畫棟明終席巴渝當日舞東流江漢使
君情登樓何用思吾土多少風雲倚檻生

飛雲樓次韻

譚 纘

相逢握手共登樓指顧諸山豁遠眸新水故浸沙岸
及夕陽遙映野烟浮碧溪過雨晴還濕翠壁含風夜
近秋從此蜀都增景色左思賦後更誰收

夏日同張子常憲副任汝賢僉憲登澄清樓

陳文燭

飛閣朱闌北斗垂美人招飲喜相隨塗山勝槩原千

古河朔高歌自一時樹色遠迴巴子國江聲搖落禹
王祠何人更說渝州暑無限清風到酒卮

越王樓

徐禎

樓自巍峩水自東登樓却憶杜陵翁暫將衰謝窮途
意散向凭欄一望中

望庚樓

潘紹伊

鹿苑春風別閒齋曉磬微鳥聲通捲幔山色候開扉
碧水深疑淺殘花落復飛困來拋卷坐相對一緇衣

芙蓉樓

鄭師玄

萬花叢裏有高樓客爲懷鄉每縱眸山向東南連袂
去江分內外合襟流益州自古傳清幕司馬于今不
漫遊莫望武擔思漢殿五雲深處是撫幽

宿雲亭

唐張籍

清淨當深處虛明向遠開捲簾無俗客定只見雲來

琵琶臺

前人

臺上綠蘿春閑登不見人每當休暇日着履戴紅巾

大觀亭小憩

明傅光宅

日出江逾淨烟消山轉深輕舟渡在渚幽鳥隔深林

共羨爲園者誰知抱甕心送迎頻此地小坐亦開襟

塞中承招飲池亭賦謝

張文耀

昔年樽酒傍春臺別去風塵首重回爨鼎勳名高北
斗江湖象縮燭中台浣花亭擁群書臥玄草池臨萬
牖間吐握襟期徧愛客夜闌何惜倒深杯

同諸寅丈飲金碧臺

傅光宅

萬嶺江頭出孤亭樹杪懸尊開良夜月人醉小春天
宇宙同爲客襟期總欲仙不妨拙宦自共味子雲玄

白兔亭

袁汝萃

白兔亭荒若個亭，重來草樹尚生華。身依河漢三千
界，手摘星辰尺五天。馬斂飛泉寒，龍噴陰霧落
冰絃。攀蘿敢擬登高岫，縹緲華北斗懸。

登白兔亭

韓 耀

極天鳥道野烟垂，萬里登臺盡遠峰。亭似廣寒巢玉
兔，泉疑銀漢飲春龍。城邊落木隨征蓋，驛路殘花照
客容。回首帝鄉何處是，西風日暮隱疎鍾。

到夔州

宋 曾 慥

衆水歸三峽，悠悠萬古情。白鹽無路到，赤甲罕人行。

西灑泉无勝東北穀有名豐年公事少飽暖荷恩榮
學校

文公講堂

唐岑參

文公不可見空使蜀人傳講席何時散高臺豈復全
豐碑文字滅真漠不知年

講堂

國朝雷叔聞

文翁昔化蜀遺址至今傳日暮蕭蕭柳涼風噪一蟬
成都學舍遺興二首

宋李壽

久客墮塵土幽居懷羸微貝餘青夜夢長存故山歸

爲已開三徑松應長十圍晨鍾忽驚覺猶有露濕

又

壯矣府中縣索如城外村墨池今掃迹石筍舊除根
風急漢絃斷雨多秦鏡昏新秋一懷古情緒若爲論

夜宿盤石縣學有感

宋孫督郵

黃昏襖被土環橋千里思親柰見招帝所庚申嚴此
夜天官辛酉看明朝寒虫唧唧蠶秋衰翁釀濃濃伴
客醪一夜轟雷聽不足撼床風雨浙江潮

錦屏書院

陳講

藝死文光耿不磨
我來攬勝一經過
江間浪湧魚龍窟
巖巖畔香飄松桂阿
風送鳥聲依座近
雲移山色上樓多
振衣更欲登峰頂
筍路陰陰鎖薜蘿

丹梯書院

陳鳳

書院屬崖上丹梯
半有無草蒙碑壘
名巖雨沈字糝糊
筆塚秋雲冷琴臺
夜月孤我來覓舊
跡猿鶴起驚呼
借士人尋白水源
引入泮池便成春
遊

張文奎

乘春二月咏滄浪
寒重河堤柳半黃
偶約青衿借攬

轡遙通白水一開觴南軒清派留綿洛東魯餘波繞
廟廊道脈千年從此續更期射策何明光

補續金蜀稊文志卷之五

黃岡杜應芳

裁訂

景陵胡承詔

江山

巫山高

漢古鏡歌

巫山高高以天淮水深難以逝我欲東歸害梁不爲
我集無高患水何滌湯湯回回臨水遠望泣下沾衣
遠道之人心思歸謂之何

丈人山

古詩

自爲青城客不唾青城地爲愛丈人山丹梯近幽意

郡齋平望江山

岑參

水路東連楚人煙北接巴山光圖一郡江月照千家
庭樹純栽橘園畦半種茶夢魂知憶處無夜不京華

泥溪

王勃

弭棹臨奔壑低鞭躡峻岐江濤出岸險峯磴入雲危
溜急船紋亂崖斜騎影移水烟籠翠渚山照落丹涯
風生蘋浦葉露泣竹潭枝泛水雖云美勞歌誰復知

峩眉山

陳子昂

浩然坐何慕吾獨有我眉念與楚狂子悠悠白雲期

白鹽山

杜甫

徐步移斑杖看山仰白頭翠深開斷壁紅遠結飛樓
日出清江空暄和散旅愁春城見松雪始擬進歸舟

灩澦堆

前人

巨石水中夾江寒出水長沉牛吞雲雨如馬戒舟航
天意存傾覆神功接混茫干戈連解纜行止憶垂堂

峩眉山月歌

李白

峩眉山月半輪秋影入平羌江水流夜發清溪向三

峽思君不見下渝州

黃牛峽

前人

苦草峽西船不歸
赤甲山下行人稀
秦中驛使無消息
蜀道兵戈有是非
萬里秋風吹錦水
誰家別淚濕羅衣
莫愁劔閣終堪據
聞道松州已被圍

巫山高

唐陳陶

玉峰青雲十一枝
金母和雲賜瑤姬
花宮磊珂楚宮外
列仙八面星斗垂
秀色無雙怨三峽
春風幾夢襄王獵
青鸞不在嬾吹簫
斑竹題詩寄江妾
飄飄散絲

巴子天苔蒙玉轡紅霞幡歸時白帝掩青瑣瓊枝瑤
草遺湘煙

龍章山

在四克縣

宋欽伯時

蓬萊縹緲神仙宅跨海飛來山骨裂
龍鱗弄萬斛珠灑向巖前洗明月

失題

張方

二水谿頭車馬行靈龜背後玉龍橫
漲瀧往日矜河伯砥柱千年要石兒
潛水右旋江會合天台曲直卦
文明吾心怵惕便施手事所當為不問名

紹定辛卯三月

登白鹿山

蘇軾

日月何促促塵世若拘束
僊子去無踪故山遺白鹿
僊人已去鹿無家孤栖悵
望岑城霞至今聞有遊洞
客夜來江浦叫平沙長松
千樹風蕭瑟仙客去人無
咫尺夜鳴自鹿安在哉滿
山秋草無形跡

灑瀆堆

前人

江中石屏灑瀆堆鼈靈夏禹
不能摧深根有夾無敢
近落日紛紛鳧鴈來何人
磊落不畏死爲我赤脚登
崔嵬上有古碑刻竒篆留
使盡讀磨蒼苔此碑若見

必有旌恐至絕頂遭風雷

巫山曲

國朝劉基

陽臺雲雨漫荒唐巫峽啼猿總斷腸
莫向蒼梧山下去九疑秋色滿瀟湘

巫山高

魏裳

巫山倚天外地險控荆門鳥道青
蘿暗猿聲落日繁陰晴千壑變雲雨
三儀昏寂寞高唐夢空傳宋玉言

前題

陳宗真

巫山高高不極上凌青天闕白日下控絕峽三千尺

有清冷之淵無數鱗蛟螭汎濤奔湍駛以悍急又有
虎牙齒齒承其下流灑瀨岫岫當其上游嗟遠道之
人三朝三暮愴矣鬱鬱憂飛鳥不得度舍舟即陸抑何
阻脩彼拔劍挽弓之子不可求吁嗟真宰何悠悠

前題

吳國倫

巫山高天與際江水深曷以濟我欲東歸將從此逝
塗無梁洲無楫泱泱濟濟臨水遠望涕下沾裳久客
之人心思鄉謂之何

前題

黎民表

巫山高不極，遠望何芊芊。
靈林構鬱律，神宇閼沖玄。
曳雲翳白日，與雨蒙層巔。
平瞻景夷館，俯看雲夢田。
芳春展遊豫，攄節此山前。
精靈爾何感，魂夢屢徂遷。
晨鷄奏天色，環珮聲鏘然。
空山曠延佇，掩涕方來旋。
人神道終異，歡愛難久延。
荒淫古有戒，茲樂誠已偏。
惟有高唐賦，千載凌雲烟。

前題

何景明

巫山高極青，冥間翠綰參。
差十二鬟神女仙，裙佩纓
動行雲飛入荆王夢，含情
流盼輕煙中。玉床瑤枕薦

君宮紫羅白縠垂香風恍惚魂散莫與同微霜銷落
高丘樹哀猿孤吟鳥雙去荒淫淪賊竟何爲暮雨冥
冥歸右祠

益門

前人

益門通漢河棧閣上雲霄蜀道從茲始秦川望已遙
生風隣虎穴迴日過龍標耿耿征途子雲山誰見招

曲水溪

盧雍御史

青溪百折水溶溶過雨遙看黛色濃儘好扁舟乘興
去何須更向武夷峯

虎頭山

月浸碧溪清波寒夜色明何人釣船坐看月聽溪聲

眉山歌

予辛丑之春遊大我到京語諸人其勝有勸予作歌者歌作于秋之杪

趙貞吉

白帝昔與鴻濛匠鑄錯江山排罔象赤髓溶成巴字
流青稜幻出我眉狀我眉兩片翠浮空日月跳轉成
雙瞳美人西倚映碧落崑崙東向懸青銅嘉陵黛色
何窈窕暮兩朝雲青未了力士空埋玉冶鬼王孫暗
轉琴心謫可憐烟靄下汀洲望望行人芳意留香象

度河春泯泯碧鷄啼曉思悠悠歸來帳恨高堂趾不
願封侯願遊此錦繡洪都羨畫圖神明壯宅嗟疑似
憶昨路遠健爲中褰裳遙指白雲峰蟠霄拓落開南
紀豈吼鯨翁追巨踪此山疑有真靈住此地遙疑接
玄圃天上年年種白榆人間歲歲飛紅雨白榆紅雨
異凡仙放光臺上一泮然有年萬劫僅彈指七十二
君皆比肩雪嶺星橋殊小小銅梁玉壘何眇眇西拈
優鉢影團團東釣珊瑚光杲杲蒼顏頽烝有誰同羞
落襄王三夢中塵心祇會題紅葉素業先須訪赤松

白龍吐霧成海水青鳥啣花供寸晷我來踏迥八十
四盤飛雪之竒蹤一洗靈山少年耻長卿多病在
臨邛傾心縹緲玉芙蓉抽毫爲作大人賦折簡應召
無是公

和姜鳳阿督學遊峩山 前人

老雪烏蒙萬古寒仙皇何處擁仙官堯羅綿雨人間
滴優鉢花峰海上攢種玉波田娑謁近轉輪風力梵
天看聞君此處逢開士解道將心與汝安

出劍閣次羅念菴韻 前人

短蒲溟溟已投閒小草青青又出山
流水行雲輕涉世絕塵奔軼負衰顏
心懸象魏重輪上家在漁磯半
畝間夾路新蟬聽不足清颺披暑渡嚴關

宿大峨峰頂

前人

大息大峨峰巍巍獨擅雄誰騎六牙象來坐七天中
雪壓巫廬瘴山吹于闐風凌晨觀日出極目海雲東

江上三峰歌

在內江

前人

白龍天矯蛟綃薄鰲吐夜掣東溟若海上僊人醉露
桃夢翻三點嵐光落珊瑚支拄魚眼紅皺波髻挽淋

瀾風琅縹鳥藏翠寒滴鶴
翎灑影青園中嵌空倒鏡
扶桑戶錦扈嘶春香王荏
石上曾孫開竹書菱花飄
入晴空雨曾孫釣海深濡
蹀嘆世酸眸葉黃鯨書中
伯王術不朽回首綸竿擊
左肘

鶴鳴山辭

六言

孫應鰲

蜀國五城山陽鶴鳴鬱芳
老蒼金躔玉壘甞中焚媪
寶術雲房仙人旖旎來居
貞心淨景靈思握氣含精
養虛道成冲舉高遐投予
之佩遠遊颺節騰躍丹丘
松霞隱鮮慶霄玄踪往矣
何求玄踪雖往道存守靜

自然妙門中根百鑿我尊治身幼眇不煩日月西馳
浩波骸影委滅奈何車馬衣服絃歌從來恩愛易移
高翔寧湏跨龍遠覽寧湏登崇清冷寧湏御風我茲
既見則降是時甲子元輪秋中月午夜身獨聽廣樂
甚真永願交屬所親

平羌江

徐瀾

平羌江山雨初晴乍見南山憶遠人白浪灘頭船不
渡落花啼鳥亂青春

梁山蟠龍門

吳國賓

日照千花見雲迷萬壑封高亭懸白兔飛練削蒼龍
披葛尋孤磴停車望遠峰午陰移洞口樹色日重重

出嘉陵江

楊慎

嘉陵駛且長千里如投梭洋洋者綠水觸石揚白波
逶迤似有情相送出褒斜雲氣接江腦日色破浪花
冥冥下無極疑是神龍家垂藤飲猿歛滄淪樓陽阿
中有南行舟造造通三巴惜哉不可往巨石劇狼牙
我欲饒安流手中無莫邪長歌行路難日莫猶天涯

大相公嶺

兩人

九折剌史坂七擒丞相橋
沉黎漢原古巖道蜀關遙
策馬氷槽滑乘橈雪潭消
我行再經此感慨一長譟

涪江泛舟

前人

明月沈清露秋風起白雲
前橈乘溜急木葉下江聞
爽籟金懸奏遙峰翠積氛
碧潭留鴈影錦洲散虹文
旅望隨天豁幽阿與歲分
登臨知自好寂寞共誰云

嘉陵江

徐泰

江上西風晚作顛江頭歸思
雨如烟山城鼓動人收
市沙埠潮平客上船
燈影亂隨檣影去灘聲
猶雜語

聲喧傳巖物色人何在千載中流憶濟川

蜀山高篇

王廷相

蜀山高高不可度予胡爲兮在中路坂逆折兮巉天
嶂迴合兮迷處我馬凌兢我徒肺雲溶溶兮滃霧沾
我衣濡我袴中原遙遙白日暮嘒虎兕之率野愧蛟
龍之天翥

巴嶽山

張佳胤

冒險逾層壁春言妬塵想野橋瀉脩湍長松落餘響
枕石碧蘿寒流雲塞天壤萋萋杜若芳律律岑岵廣

旄旌隔下寰志歸藉蘭漿嘯口輕蘇門縱屐東山止
高懷亦以綿悠哉任偃仰

巴嶽絕頂巨石

前人

帝鑿混沌開竒標駭茲石色豈漢機移工疑堯斧磅
元精降井參靈威鎮梁益黃鳥中古形商彝近代迹
何如此鍾鑑靈象先天關風雨古今青烟霞朝暮赤
氤氳通玉虛沉澗收金液刻削匠自天清空神爲宅
龍虎時抱關水火遞相射初秋振烏藤朱洞搜丹冊
將因畢嫁婚於焉托雙鳥

五丁峽

姚繼先成都人

五丁持斧施神力，金牛路啟蜀山關。
飛泉乍瀑吼巖，巖絕嶺摧崩，轟霹靂百獸駭愕。
烟雲剖操蛇神倚蒼旻，泣開明失業悲杜鵑。
百二山河增壘，壁壘重增秦城險，八州神哭。
霞歸一秦，至于今幾百年，嗟呀惟石猶森戟。
天陰白日狐狸走，烟寒老樹猿猱泣。
初來若壯杜陵詩，望後倏增杞人臆。
君不見溪流麓水腥，虎吻人血赤。
又不見曉田勞火畔窮民皆骨立，一夫仗劍百夫雄。
獸窮之戒，今所急我亦有心，整太平何

年手捧皇家勅嗚呼何年手捧皇家勅天險不搃蒼
生息

蟠龍對

酬王我齋問
蟠龍之作

來知德

若有湫兮乃在魚復之國
春叢之東
劔閣周遭十萬
重上有娥眉
新月照羌戎
水輪兔魄藥杵紅
下有雲
鬟十二鎖芙蓉
瓊裾玉珮搖玲瓏
雪絲嬈嬈墮涇濠
化爲象馬奔人馮夷宮
坐綃一幅懸太空
影入吳瀾
越漲處處不敢生
山峰野客一見心
恍恍捫蘿攀蒼蒼
撥昏爇鞭煙撻霧入層塔
六月六日生嚴冬
釜鳴赤

日翻無功銀鈎蠱尾投幽甕大呌洞中蟠者龍群龍
今天上爾何爲兮山中滄腹雷霆暗不露爾獨忍兮
塵世之疲癯我欲以爾許玄穹金書玉簡起爾躬興
爾雲致爾雨頓令八埏九野春融融倏然幽壑水如
舞巽二怒號并彈弩排蠓旌兮張鯨斧揚天桴兮伐
河鼓倒銀潢兮波咸池擢地姊兮撼天姥似與郢客
通言語六幕昏黑不知所夜來夢入龍之山別有仙
境非人間瑤樹琪花團鶴馭丹沙雲母護仙關仙童
侍者鏤朱顏吹風捉月弄銀灣客亦因之入縹渺扶

桑赤處羲和曉東視海水青玻璃區區五岳彈丸小
安期浮伯幾輪迴俯仰塵寰多草草信知凡龍出世
間啄腐吞腥空自老一聲天雞江月杳啼醒浮生夢
未了真耶夢耶兩不知坐見晨星三五橫秋嶠

霧中山

張石塘

道人夜宿冠子峰手搯白鶴騎蒼龍飄然直上九萬
里天風颯颯吹長松長松去天剛尺五中有虬髯說
今古老僧摘取琥珀粒粒總見真牟尼掌取牟尼
和露吸八部驚祥龍女泣興來復飲功德水一派靈

根自天癸飲之轉覺心神怡欲往從之脫塵滓我生
最有出林癖來遊况復同曹植曹君才華我不如曹
君手致令誰敵與君直上金剛臺醒回更坐磐陀石
盤陀之石世稀有安得流泉化爲酒與君一醉儘一
斗明月池邊聽龍吼七十二峰青欲走把筆爲紀登
臨時壬寅之年九月九

巴字水

朱奎

水流如字字如巴碧藻含嵐漾墨花幾向望江樓上
看天猷筆勢走龍蛇

灑灑石

黃克績

尚書前督學

灑灑何年石中流一片孤深根盤地軸獨力戰天吳
夜色看浮動秋濤辨有無灘聲添客淚兼帶峽猿呼

巫山絕句八首

黃輝

君自瑤姬夢瑤姬詎夢君可憐黃棘淚無復到朝雲

又

巫峽片時夢章華無限情舞腰方愧柳更解學雲行

又

搖落悲秋客隨風亦上臺何期千乘出口爲片塵來

又

自有高唐賦人間夢更沉情知終作雨無那彩雲深

又

朝朝雲苦暖暮暮雨愁寒唯有晝日寢能齊朝暮歡

又

陽臺花一片落盡楚宮春西家空作賦原是夢中人

又

帝子不可見陽臺空音道阿誰千薄怒波響日發侯

又

撼撼巫陽雨從教夢外飛峽風吹去好留月伴人歸

巫峽

曾曰唯

巫峽迴雲草木寒春風三月送芝蘭天生十二峯如
畫多从行舟仰面看

塗山雪霽

尹鳳岐

塗山雪後景尤佳明谷隱隱見日華暖透仙巖融玉
屑冷流樵徑濕銀沙瑞林雨響飛殘葉水樹風回散
落花坐對千峰清不寐影涵明月上牕紗

登九折坂

顧汝學

曾聞九折坂今日此驅車豈不愛遺體所畏在
緣崖攀躡上欲進還趨趨雅黎指頤間炎微望
深入自茲始星言疇敢虛媿匪叱馭才尊陽謝弗如

望金馬大江

潘紹伊

突出青林雙眼豁大江截馬滄溟翻旌石橫卧磅巨
浪怒濤爭與青山言遠水涵虛混虛碧倒下長空白
日濕反思劃地驚波駛乃是千山足風雨浩蕩虛疑
神是來噴薄應覺蛟龍喜落水寒管高濺春雪狎浪長
年走空關咫尺笑語水聲隔歌岸愁沙濕欲裂去艇

如飛呼不得立馬江光亘天白

登青城山絕頂

雷叔聞

翠嶺風泉石路分古碑殘木對斜隴赤罽縹緲開雙
眼瀛海虛無捲片雲欲向寒空迴斗極直疑深洞有
靈文丹鑑玉井俱寥落環珮蕭蕭夜半聞

嵐雨初收煙滿林紫羅蒼蘚坐清心銀河樹遶天門
落瑤草陰寒石洞深萬里驚風雙鶴起五更涼月一
猿吟殘碑誰護開元勅臺殿蕭條自古今

和通陸上人遊霧中山之作

前人

霧中之山何蒼蒼
山中鶴鳴幽且長
清鐘晚落萬壑
靜瀑水秋濺
孤雲涼伊余
悵望徒遙阻
誦爾佳句頗
飛揚紫茅綠
茗殊可致風味
應與支公嘗

登玉壘山

前人

紫塞玄宮闕
青天主壘雄
登臨憑落日
蕭灑會高風
斷嶺雲聯密
飛泉月映空
萬峰誰剗却
一望海西東

瞿唐

鍾惺

至此始稱峽
岸束江齟齬
江勢有往還
前山幾茹吐

兩崖何所爭終古常相拒水石日夜戛無所觸而怒
灑瀨根孤危悍流不能去立石如堵墻中磬才一縷
岸迴不見江舟行無乃逢舟過其隙中乃知此其戶
還顧始自失撫然警徒旅

浣花溪

前人

萬里橋頭稍稍西雞棲處落信高低緣城一帶青青
路昨日從茲過浣溪

巴岳喜晴六言八韻

黃輝

歲晚木蓮安在潦深藜杖爲精霜清孤枕早覺

虛檐暗驚鶻岳自能開
霧廣川無事祈晴城頭三十
里近屐齒千萬風生獨
往獨來龍杖一盤一酌犀
狂搔竹冠選勝醉喚梅
禮扶醒泉濁山僧淪茗
羽士調笙山之人兮定訝客何爲者橫行

盛山紀事

林俊

胸臆霜青白鴈群小堂對栢日西曛
繁星江接巴文
水淡墨山開盛字雲井切三潮兵幸洗
圖雷一火玉
爲焚具知野骨封侯券靜聽窅聲觸處聞

藥萬

張佳胤

片帆去不盡旅食亦虛名雲薄黃金島天高白帝城
山多分石色夜靜得江聲未息東南戰朝廷憶請纓

中巖

吳之偉

青衣江上問青山步入岩阿紫翠環九曲甘泉通海
竅千尋翠表出塵寰聽經龍隱魚池古入定僧枯石
筍斑到此身心渾了了浮生應愛上方閒

浣花溪

前人

路入緣江翠靄深溪橋風度冷衣襟濯纓賸有滄浪
曲飛羽偏宜楓樹林十樣蠻牋猶藉薜石花潭水不

逢任鳥聲細共江聲轉
鼎古啣杯擊節吟

巫山十二峰

杜應芳

窈窕螺髻出房櫳
環珮珊珊落半空
不是赤城能絢綵
芙蓉臉暈自微紅

望霞

斜倚臨風意似癡
不堪春怨與秋悲
陽臺一去無消息
恰是湖陽背聽時

翠屏

曉開明鏡理新妝
綠鬢生風舞袖長
日暮天寒歸繡幙
珊瑚枕上憶襄王

朝雲

上採飛花下斲苓
秦封漢禪幾曾經
郎心不似煙雲

薄妾妾意還如冬夏青松巒

寂寞瑤臺恨落花且將心事共嗟呀三三兩兩知誰

似惟有楊家及趙家

集仙

朝驟霞馭莫雲蜚羽齊飛響似璜若得成雙鷓亦
好空隨子晉聽吹笙

裴鶴

無奈春心不肯降忍將動定辨風幢假饒舌上蓮花

發只恐蓮花蒂亦雙

淨壇

非霞非霧亦非煙深鎖重封不記年欲問妾家此處

是莫教掃去待君眠

起縷

終日望夫不見夫年年春草隔江蕪芳心且爲閑收
起撒下玄霜在玉壺上界

世間好事實難幾鏡裏孤形相對欲試按洞簫理衷
曲可憐蕭史不同歸飛鳳

錦鞦金轡玉鞦頭郎若乘時莫久留不信比來長寂
寂高唐雲雨一齊收登龍

珠簾掩映楚宮腰迨吉其如梅已標莫道銀河不可
近曾聞烏鵲自填橋聖泉

早春同柯憲副峴濱李少叅雲卿袁少叅淥

厓讌錦屏山亭

傅振商

巡茶御史

層巒亭榭俯江開，萬里濤聲捲地迴。
薄宦天涯誰把臂，占星益部斲啣杯。
探竒幾遇尋山侶，攬勝驚輸絕代才。
春色依人行色動，相將徧戀白雲隈。

蒼崖絕壁俯孤城，碧漢烟霞入望平。
拂袂衣光搖岫色，開樽杯影落江聲。
迎春鳥哢窺人狎，秀日蘭馨入座清。
幽賞不妨天欲暮，危岑好玩聚星明。

翠屏山色切丹霄，勝侶平臨爽氣遙。
秀壓群峰凝翠黛，勢吞遠岫鎖虹橋。
披襟頗話山靈秘，惜別頓忘春

巫山高

戴燦

巫山高高入杳冥層峰十二如連屏巴江下與峽爭
險波濤震蕩魚龍醒天開巨靈勢截九鳥道巉巖難
得經雲煙變態千萬狀月出照見峰青青蒼蘚薜蘿
起窈窕中有神女長娉婷珠宮洞房玉作扃閨闈一
咲窺明星爲雲爲雨朝還暮將往如來語復停兼王
自是好荒恠珊珊搖曳夢中聽東方漸白猿聲叫向
來枕席乘風萍豈若二妃明粧湘水曲行人時薦藻
蘋馨

玉壘

前人

五壘鍾靈異，崔嵬削不成。峨眉天際出，劍閣日邊橫。
青嶂自迴合，丹霞時晦明。悠然忘世慮，廊落訝天行。

雪山

前人

峭壁入雲平，孤高逼太清。乾坤通瀨氣，日月溢空明。
一夜瑤華積，千峰素練橫。曉來澄萬象，風馭冷然生。

團山

前人

積翠空中萬玉寒，仙宮遙在水雲端。洞邊僧踏千尋
嶺，樹杪猿攀百折盤。太乙靈書傳白鶴，真官紫氣駕

青鸞自慙凡骨肩塵網空倚清都禮斗壇

蜀道難

前人

世間不平地無如蜀道多天梯挂絕壁九折巒嵯峨
更有巫峽水無風亦自波嗟爾遠道人日日愁經過
若比世人心履坦殊靡他摧車豈太行覆舟豈呂河
至人無歎歎隨地可絃歌

瞿塘卽事

羅寬

灩澦堆前坼大荒，筵肴鐵柱鎖橫塘。
青虬怒走誰收管，白帝雄爭自混茫。
甕入千尋昏樹色，練縈三峽細天光。
牢騷傲吏舟爲鑰，破壘仍傳諭蜀章。

神女祠次劉禹錫原韻 前人

雲華帝女自菘菴，峽雨何關楚澤郎。
韻士深情聊托諷，痴人夢說浪摸妝。
曾輸神力助明德，肯許游魂惹暗香。
爲醒登臨作述者，勿仍尚鬼附前王。

十二峯

朝雲 集仙

起雲 翠屏

望霞 上昇

松巒 飛鳳

聚鶴 聖泉

登龍
淨壇

前人

雲霞朝起蔚松巒鶴馭仙靈倚翠闌瑤佩已昇蕭鳳
輦聖泉空淨法龍壇峯高十二號行雨腰細三千忘
授餐揔爲芳魂關不住賦成夢澤愴餘歡

峯形秀如巫字

前人

巫峯夕秀起面寺寫江屏鳥蒙開三峽龍圖鑿五丁
大風高白雪竒字點玄經生共昏鐘轉漁燈照舫檣

曉望舟中

王國治

指點舟崖入望中碧雲香靄出芙蓉春菜萬樹青蔥

統日麗千巒紫翠籠有約嬾憐官况俗整閒應憶壯
心雄况逢惠遠登臨適一笑翩翩兩腋風

登